

ՀԱՅԿԱԿԱՆ ՏՆՏԵՍԱԿԱՆ ՎԱՐՁԱԿԱՆ ՇՐՋԱՆ

Ս. ՄՈՎՍԻՍՅԱՆ

Հայկական ՍՍՌ-ի Ժողովրդական տնտեսության խորհրդի նախագահ

Նոր ձևով աշխատանքի տարին ցույց տվեց, որ Կոմունիստական պարտիայի նախաձեռնությամբ կենսագործված և սովետական Ժողովրդի հավանությանն արժանացած՝ արդյունաբերության և շինարարության կառավարման վերակառուցումը տեխնոտրիալ սկզբունքով, ամբողջովին և լիովին իրեն արդարացրել է:

ՍՍՌ-ի Գերագույն Սովետի օրենքներին համապատասխան տնտեսական վարչական շրջանների ստեղծումը և նրանց մեջ ձեռնարկությունների ու կառույցների անմիջական ղեկավարության օրգանների՝ Ժողովրդական տնտեսության խորհուրդների կազմումը, գերատեսչական պատանշների վերացումը բարենպաստ պայմաններ ստեղծեցին և երևան հանեցին արդյունաբերական արտադրանքի արտադրության ավելացման ամենահարուստ ռեզերվները՝ արտադրական տարածությունների և սարքավորման լավագույն օգտագործման, աշխատանքի արտադրողականության բարձրացման, արդյունաբերական ձեռնարկությունների մասնագիտացման և կոոպերացման, նոր տեխնիկայի արմատավորման միջոցով:

Ժողովրդական տնտեսության կառավարումը վերակառուցելու գործում իրենց հետագա զարգացումը գտան դեմոկրատական ցենտրալիզմի լենինյան սկզբունքները: Դա բարձրացրեց աշխատավորների ստեղծագործական ակտիվությունը տնտեսության կառավարման գործում:

Ժողովրդական տնտեսության կառավարման նոր ձևերը նպաստում են բոլոր միավորական ռեսպուբլիկաների, ողջ Սովետական Միության էկոնոմիկայի հետագա հզոր վերելքին: Այդ մասին պերճախոս կերպով վկայում են ՍՍՌ-ի Ժողովրդական տնտեսության զարգացման 1957 թվականի և 1958 թվականի առաջին եռամսյակի

պլանների կատարման արդյունքները: Այդ մենք տեսնում ենք նաև Հայկական տնտեսական վարչական շրջանի Ժողովրդական տնտեսության սիստեմում միավորված արդյունաբերության աշխատանքի օրինակից:

Հայաստանի Ժողովրդական տնտեսությունը միավորում է 221 գործող և 32 կառուցվող արդյունաբերական ձեռնարկություններ, 37 պտղաբուծա-պահպործական և անասնաբուրացման սովխոզներ, գիտա-հետազոտական և նախագծային ինստիտուտներ, տրանսպորտային, մատակարարման-վաճառահանման և այլ կազմակերպություններ: Ժողտնտխորհին կից գոյություն ունի Տեխնիկա-տնտեսական խորհուրդ, բաղկացած 9 սեկցիաներից, որոնց մեջ մտնում են 174 անդամ՝ ռեսպուբլիկայի առաջավոր բանվորների և արտադրության նորարարների, գիտնականների, ձեռնարկությունների ինժեներատեխնիկական աշխատողների, պարտիական և հասարակական կազմակերպությունների ներկայացուցիչների թվից:

Ժողտնտխորհի ձեռնարկությունների թողարկած համախառն արտադրանքի ծավալը հասնում է 5,5 մլրդ. ռուբլու և կազմում է Հայկական ՍՍՌ-ի արդյունաբերության ողջ արտադրանքի ընդհանուր ծավալի 81 տոկոսը:

Սոցիալիստական ռևոլյուցիայի հաղթանակը և Սովետական իշխանության հաստատումը ապահովեցին Հայաստանի էկոնոմիկայի բուռն վերելքը: Բավական է նշել, որ ներկայումս ռեսպուբլիկայում թողարկվում է 45 անգամ ավելի արտադրանք, քան 1913 թվականին, նախառևոլյուցիոն Հայաստանում:

Հայկական տնտեսական վարչական շրջանի արդյունաբերության տարբերիչ գիծն այն է, որ

աճի բարձր տեմպերի հետ հավասարապես, նա հիմնվում է հարուստ տեղական միներալային ու ջրա-էներգետիկ ռեսուրսների վրա և դրանք լայնորեն օգտագործում. հանդիսանալով բազմաճյուղային, նա թողարկում է արտադրանքի հարյուրավոր կարևորագույն տեսակներ: Բազմազան արդյունաբերության կառավարման համար ռեսպուբլիկայի ժողովրդական տնտեսության խորհրդի կազմում գործում են տաս արտադրական ճյուղային վարչություններ՝ էներգետիկ, Գունավոր մետալուրգիայի և հանքագործական արդյունաբերության, Քիմիական արդյունաբերության, Մեքենաշինության և հաստոցաշինության, էլեկտրատեխնիկական արդյունաբերության և սարքաշինության, Շինարարական նյութերի արդյունաբերության, Թեթև արդյունաբերության, Սննդի արդյունաբերության և Մսի-կաթի արդյունաբերության:

էներգետիկ վարչությունը միավորում է ռեսպուբլիկայի բոլոր խոշոր հիդրոէլեկտրակայանները և ապահովում ողջ ժողովրդական տնտեսության էլեկտրաէներգիայի պահանջները:

Գունավոր մետալուրգիայի ձեռնարկությունները թողարկում են էլեկտրոլիտիկ պղինձ, ալյումինիտ, մոլբդենի ու ցինկի կոնցենտրատներ, ոսկի ու արծաթ:

Քիմիական արդյունաբերությունը, հանդիսանալով ռեսպուբլիկայի ժողովրդական տնտեսության կարևոր ճյուղերից մեկը, երկրին մատակարարում է ազոտային և ֆոսֆատային պարարտանյութեր, կալցիումի կարբիդ և նրա ածանցյալները, ծծմբական և աղային թթուներ, ավտոդոզեր և ռետինա-տեխնիկական առարկաներ, դանազան ներկեր, քացախաթթու, պոլիմիլային սպիրտ, ժապավեններ և շատ ուրիշ նյութեր:

էլեկտրատեխնիկական արդյունաբերության և սարքաշինության վարչության ձեռնարկությունները, բացի փոխադրովի էլեկտրակայաններից, գնեռատորներից, տրանսֆորմատորներից, էլեկտրաշարժիչներից, ճշգրիտ էլեկտրաչափիչ և պիրոմետրիական գործիքներից, թողարկում են նաև կաբելային ապրանքներ, զարթուցիչ ժամացույցներ և այլն:

Հաստոցաշինությունն ու մեքենաշինությունը բնութագրվում են մետաղահատ հաստոցներ, գործիքեղենի, գանազան ուսրքավորման, ինչպես

նաև տնային գործածության առարկաների արտադրությամբ:

Շինարարական նյութերի արդյունաբերությունը, ցեմենտի, շիֆերի, կրի, հրահատ և ապակե շինվածքների հետ հավասարապես թողարկում է հիանալի որակով որմնանյութեր՝ տուֆեր, բազալտներ, գրանիտներ, մարմարներ և այլն, որոնք օգտագործվում են ոչ միայն Հայաստանի, այլև հարևան ռեսպուբլիկաների կառույցների համար:

Բամբակե, մետաքսե և բրդե գործվածքները, տրիկոտաժային, գուլպայի և կարի ապրանքները, կոշիկեղենն ու զալանտեքեայի ապրանքները, որոնք թողարկում է ժողտնտխորհի թեթև արդյունաբերությունը, զգալի չափով կիրառվում են գտնում երկրի մյուս տնտեսական շրջաններում:

Սննդի արդյունաբերությունը, որ թողարկում է մթերային ապրանքների լայն ասորտիմենտ, ռեսպուբլիկայի սահմաններից դուրս արտահանում է հայտնի բարձրորակ գինիներ ու կոնյակներ, մրգեղենի պահածոներ, հանքային ջրեր, ծխախոտ և այլն:

Ռեսպուբլիկայում ծանր արդյունաբերության ձեռնարկությունների միջոցով թողարկվող արտադրանքի զգալի մասը նույնպես ուղարկվում է ՍՍՌ Միության տարբեր ծայրերը: Հայաստանի ժողտնտխորհը տնտեսական ուղղակի կապեր ունի երկրի բոլոր տնտեսական վարչական շրջանների հետ: Բացի դրանից, Սովետական Միության սահմաններից դուրս, 31 արտասահմանյան երկրներ են արտահանվում ավելի քան 100 տարատեսակ արդյունաբերական ապրանքներ, այդ թվում՝ փոխադրովի էլեկտրակայաններ, գեներատորներ, էլեկտրաշարժիչներ, ուժային տրանսֆորմատորներ, ճշգրիտ չափիչ գործիքներ, խառատային պտտատակահան հաստոցներ, պոմպեր, կոմպրեսորներ, ինչպես նաև դանազան քիմիկատներ, գործվածքներ և գինե-կոնյակային ապրանքներ:

Արդյունաբերության և շինարարության կառավարման վերակառուցումը իր բեղմնավոր ազդեցությունը գործեց նաև Սովետական Հայաստանի հետագա զարգացման և Սովետական Միության արտաքին տնտեսական կապերին ավելի ակտիվ կերպով մասնակցություն ցույց տալու

վրա: Ընթացիկ տարվա առաջին կիսամյակում ռեսպուբլիկայի արդյունաբերական արտադրանքի արտահանումը 4,7 անգամ գերազանցել է անցյալ տարվա նույն ժամանակաշրջանի արտահանման ծավալին:

Հաջողությամբ կատարելով 1957 թվականի առաջադրանքները, ռեսպուբլիկայի արդյունաբերական ձեռնարկությունները ընթացիկ տարվա առաջին կիսամյակում նոր հաջողությունների հասան: Ժողտնտխորհին հնթակա արդյունաբերությունը արդյունաբերական արտադրանքի թողարկման պլանը կատարել է 105,5 տոկոսով: Պլանից դուրս թողարկվել է ավելի քան 130 միլիոն ուտվող արտադրանք:

Ընթացիկ տարվա առաջին կիսամյակում արտադրանքի ծավալը 1957 թվականի համապատասխան ժամանակաշրջանի համեմատությամբ մեծացել է 13,7 տոկոսով: Ամենաբարձր տեմպերով են զարգանում մեքենաշինությունն ու հաստոցաշինությունը, սարքաշինությունը, էլեկտրատեխնիկական և քիմիական արդյունաբերությունը, շինարարական նյութերի արդյունաբերությունը, ինչպես նաև մսի-կաթի արդյունաբերությունը:

Գերակատարվել է աշխատանքի արտադրողականության բարձրացման պլանը: Անցյալ տարվա համեմատությամբ աճը հասնում է 8 տոկոսի: Գերակատարվել է նաև թողարկվող արտադրանքի ինքնարժեքի իջեցնել առաջադրանքը: Զգալիորեն իջեցվել են թողարկված ապրանքային արտադրանքի մեկ ուտվում ընկնող ծախսումները: Բարձրացել է արդյունաբերության շահութաբերությունը:

Իր գործունեության առաջին իսկ օրերից ժողտնտխորհը հատուկ ուշադրություն է հատկացրել և հատկացնում է թողարկվող արտադրանքի տրակի բարձրացմանը, նրա ասորտիմենտի ընդլայնմանը, ինչպես նաև ապրանքների նոր տեսակների յուրացմանը: Անցած տարում յուրացվել են նոր արտադրանքի տասնյակ տեսակներ, այդ թվում՝ էլեկտրամեքենաներ, դանազան գործիքներ, նոր քիմիական պրոդուկտներ, մետաղամշակման հաստոցներ և ժողովրդական սպառման մի շարք առարկաներ:

Ժողտնտխորհի գիտա-հետազոտական և նախադժային կոնստրուկտորական ինստիտուտներ-

ըր, գործարանային լաբորատորիաները շարունակ ընդլայնում են իրենց գործունեությունը, ավելի կատարյալ և բարձր արտադրողականության մեքենաների ու սարքավորման, ինչպես նաև ժողովրդական սպառման արդյունաբերական ու մթերային ապրանքների արտադրությունը յուրացնելու համար:

Գիտա-հետազոտական և փորձնական աշխատանքներում կարևոր տեղ են գրավում մեր ռեսպուբլիկայի ընդերքի հարստությունների կոմպլեքսային օգտագործումը, արտադրության մնացուկների նվազեցումը և նրանց ռացիոնալ օգտագործումը, ինչպես նաև ավտոմատացման, մեքենայացման և արտադրության մեջ նոր, ավելի պրոգրեսիվ տեխնոլոգիական պրոցեսների արմատավորման հարցերը:

Ինչպես հայտնի է, արդյունաբերության մասնագիտացումը, որը հիմնված է աշխատանքի լայն բաժանման վրա, հնարավորություն է տալիս զգալիորեն իջեցնել աշխատանքի ծախսումները արտադրանքի պատրաստման վրա, նրա ինքնարժեքը և պլանմաններ է ստեղծում արտադրանքի որակը խիստ կերպով բարելավելու համար: Տնտեսական շրջանի ներսում լայն կոոպերացիան հնարավորություն է տալիս տեղեկում ավելացնել արտադրանքի թողարկումը և վերջ տալ ավելորդ տրանսպորտային փոխադրումներին:

Ելնելով դրանից և կենսագործելով պարտիայի ու կառավարության դիրեկտիվները, ժողտնտխորհը որոշակի աշխատանք է կատարել և կատարում է մեր ռեսպուբլիկայի ներսում, արդյունաբերական ձեռնարկությունների մասնագիտացման և կոոպերացման գծով:

Անցած ժամանակաշրջանում ժողտնտխորհը մասնագիտացրել է 13 արդյունաբերական ձեռնարկություններ: Տնտեսական շրջանի ներսում ձեռնարկությունների կոոպերացման գծով ձեռք առնված միջոցները թույլ տվեցին դարձրնելու երկրի հետադուր շրջաններից ներմուծվող բազմաթիվ կոմպլեկտավորող դետալներն ու նյութերը, ինչպիսիք են՝ էլեկտրաշարժիչներ՝ մեքենաների ու հաստոցների կոմպլեկտավորման համար, կարգավորման գործիքներ, զանազան պլաստմասսաներ, կերամիկական, ռետինատեխնիկական և այլ ապրանքներ:

Հայկական ՍՍՌ Ժողտնտխորհի և Հայաստա-

նի Արհեստակցական միությունների խորհրդի որոշմանը համապատասխան, ընթացիկ տարվա հունվարի 1-ից մինչև մարտի 31-ը Ժողովրդախորհրդի ձեռնարկություններում ստուգատես-կոն կուրս է անցկացվել գյուտարարական և ռացիոնալիզատորական աշխատանքի բնագավառում եղած լավագույն առաջարկություններին համար:

Ստուգատես-կոնկուրսի անցկացման ժամանակաշրջանում ձեռնարկությունները զգալի չափով բարելավել են իրենց աշխատանքը գյուտարարության և ռացիոնալիզացիայի գծով, ընդ որում ներգրավել են երեք հազարից ավելի բանվորներ, ինժեներա-տեխնիկական աշխատողներ և ծառայողներ:

Միայն 1958 թվականի առաջին եռամսյակում ստացվել են 4796 առաջարկություններ, որոնցից ընդունվել են 4407, այդ թվում՝ արմատավորվել են 2543:

Արտադրության մեջ առաջարկությունների արմատավորումից ստացված տարեկան պայմանական տնտեսումը կազմում է 53,5 մլն. ռուբլի:

Ժողովրդական տնտեսության կառավարման վերակառուցումը, արդյունաբերական ճյուղային մինիստրությունների վերացումը խիստ բարենբույստ պայմաններ ստեղծեցին ոչ միայն մեքենաների ու սարքավորման արտադրական կառուցվածքների ու շինությունների լավագույն, լիարժեք օգտագործման համար, այլև դարկ տվեցին տեղական օրգանների նախաձեռնությունը երկրի տնտեսական շինարարության, էկոնոմիկայի զարգացման գործում:

Այսպես, ՀԿՊ Կենտկոմի և Հայկական ՍՍՌ Մինիստրների Սովետի օգնությամբ մի շարք նոր արդյունաբերական ձեռնարկություններում, այդ թվում՝ Նրևանի, Լենինականի և Կիրովականի սարքաշինական, Սևանի գործադիր մեխանիզմների, Արզնիի կորունդի քարերի, Լուսավանի և Նրևանի հաստոցաշինական, Կիրովականի փոքր պարարիտների ճշգրիտ հաստոցների, Կոշե մետալուրգիայի և այլ ձեռնարկություններում երևան են հանվել ռազմագործվող կամ թերի օգտագործվող արտադրական շինություններ:

Շինությունների հայտնաբերման և արտադրական նպատակներով նրանց օգտագործման աշխատանքը շարունակվում է: Ներկայումս Ժողովրդախորհրդում քննարկվում է Ստեփանավանում,

Գորիսում, Դիլիջանում և մի քանի այլ վայրերում, որտեղ արդյունաբերությունը համեմատաբար թույլ է զարգացած, նոր արտադրությունների կազմակերպելու հարցը:

Դրա հետ միասին, տեղական համայնի ռեսուրսների լավագույն օգտագործման և մեր տրեսնական շրջանի ներսում արտադրության ավելի լիարժեք կոոպերացման նպատակներով նախագծվում է մի ամբողջ շարք արդյունաբերական ձեռնարկությունների շինարարությունը, այդ թվում՝ Բասարգեշարի և Ավանի լեռնագործական, Խլանի գորգի և սարքաշինական ձեռնարկությունների, ինչպես նաև արդյունաբերության թեթև և սննդի ճյուղերի գծով:

Նոր արտադրությունների կազմակերպման և նրանց տեղաբաշխման հարցերը որոշելիս Ժողովրդախորհրդը ելնում է բնական ռեսուրսները առավելագույն չափով օգտագործելու և արդյունաբերությունը հումքի աղբյուրներին մոտեցնելու անհրաժեշտությունից: Հաշվի է առնվում մեծ քանակությամբ էլեկտրաէներգիա չպահանջող, բայց որակյալ աշխատանքի և արտադրության բարձր կուլտուրայի հետ կապված արտադրությունների զարգացումը, ինչպես նաև արդյունաբերության այն բնագավառներում, որտեղ նա բավականաչափ զարգացած չէ:

1958 թվականի կապիտալ ներդրումների պլանը Ժողովրդախորհրդի գծով գերազանցում է 1957 թվականի փաստացի մակարդակից ավելի քան 30 տոկոսով: Արդյունաբերական շինարարության հետ հավասարապես հատուկ ուշադրություն է հատկացվում բնակարանային շինարարության ընդլայնմանը, որի ծավալը ընթացիկ տարում 1959 թվականի մակարդակից գերազանցում է 67 տոկոսով՝ հատկացված գումարների գծով և երկու անգամ՝ շահագործման հանձնրված բնակելի տարածության դժով:

Ընթացիկ տարում գործի կդրվեն մի շարք նոր արդյունաբերական ձեռնարկություններ և խոշոր արտադրական ցեխեր՝ օգտագործվող տարածությունների վրա, այդ թվում՝ հաստոցաշինական և սարքաշինական գործարաններ՝ ռեզինների թողարկման համար, էլեկտրալամպների գործարանի արականոնական ցեխը, նոր արտադրական կարողություններ՝ Արարատի ցեմենտաշինարանի և Քաջարանի պղնձամոլիբդենային

կոմբինատներում, Երևանի կաբելի գործարանում, Պոլիմիլիդացետատ գործարանում և այլն:

Ժողտնտխորհի ուշագրության կենտրոնումն է գտնվում այն միջոցառումների կենսագործումը, որոնք բխում են ՍՄԿՊ Կենտրոնական Կոմիտեի Միախայան պլենիումի որոշումից: Սկսվել են քիմիական արդյունաբերության գործող ձեռնարկությունների շինարարության աշխատանքները:

Սովետական Հայաստանի էկոնոմիկայի դարգացման կարևորագույն միջոցառումներից մեկը հանդիսանում է Վարդաղա—Աղւստաֆա—Երևան դադամուղի շինարարությունը՝ եղբայրական Ադրբեջանից Հայաստանին բնական գազ մատակարարելու համար: Դա թույլ կտա քիմիական արդյունաբերության կարևորագույն ձյուղերում գործածել հումքի նոր, ավելի էժան տեսակ: Նախատեսվում է, մասնավորապես, բնական գազից ստանալ սինթեզի՝ գլխավոր սկզբնական պողոտաներ՝ ացետիլեն և ջրածին: Դա թույլ կտա ոչ միայն մոտավորապես երկու անգամ ավելացնել սինթետիկ կաուչուկի, վինիլացետատի, քացախաթթվի, այլև սինթետիկ պողոտաների նոր տեսակների՝ ացետիլ ցելյուլոզայի թողարկումը: Այդ բաղայի վրա թողարկվելու են ացետատալի մետաքս, մանրածակոտկեն ռետին և արհեստական կաշի, պոլիբրոմիլինիլային խեժ և պլաստմասսայի զանազան արտադրանք, այնպիսի արժեքավոր քիմիկատներ, ինչպես վինիլֆլեքս, պոլիմիլիլ բուտիրալ, մեթանոլ և այլն:

Նախատեսվում է նաև կապրոնային կորդի և արհեստական կորոնդի արտադրության կազմակերպումը: Սինթետիկ հումքի աճին համապատասխան միջոցներ են ձեռք առնվում թեթև արդյունաբերության կարողությունները՝ կոշիկդեղնի և հագուստեղենի, մետաքսի գործվածքների, տրիկոտաժային և գուլպայի ապրանքների արտադրությունն ընդլայնելու համար:

Հորը էներգետիկ բազա ստեղծելու և Սևանա լճի ջրերի դարավոր պաշարները տնտեսողաբար ծախսելու հարցերը միշտ եղել են և մնում են ռեսպուբլիկայի պարտիական ու սովետական, կազմակերպությունների հատուկ հոգատարության առարկան: ՍՍՌՄ Մինիստրների Սովետը, քննարկելով այդ հարցը, ընդունեց «Հայկական ՍՍՌ Ժողովրդական տնտեսության էներգետիկ բազայի մասին» որոշումը, որը բացառիկ կարևոր

նշանակություն ունի ոչ միայն ռեսպուբլիկայի էներգետիկայի, այլև ողջ հյուսսմիկայի ու կուպտուրայի զարգացման համար: Այդ որոշումը նախատեսում է Սևան—Հրազդան կասկադի Աթար-բեկյանի և Երևանի հիդրոէլեկտրակայանների շինարարության արագացումը, Որոտան գետի վրա Տաթևի հիդրոէլեկտրակայանի, Երևանում և Ախտալում բնական գազով գործող կենտրոնական ջերմային էլեկտրակայանների (ՏԷԾ) կառուցումը: Էլեկտրաէներգիայի նոր աղբյուրների երևան գալու կապակցությամբ, 1965 թվականից սկսած, կդադարեցվան Սևանա լճի ջրերի բացթողումները էներգետիկայի կարիքների համար: Ժողովրդական տնտեսության խորհուրդը ձեռնամուխ է եղել այդ կարևոր միջոցառումները լիովին և ժամանակին կենսագործելու համար:

Գունավոր մետալուրգիայի բնագավառում առաջնահերթ խնդիրն է ընդլայնել գործող կարողությունները և ստեղծել նորերը՝ տեղական միներալային հումքի արդյունահանման ու վերամշակման համար: Արդյունահանվող ու վերամշակվող հանքանյութերից, բացի գլխավոր գունավոր մետաղներից՝ պղնձից, մոլիբդենից, կապարից, ոսկուց և արծաթից, ապահովել նաև այն արժեքավոր հազվագյուտ և ցրված էլեմենտները, առաջին հերթին սելենը, տելուրը, գերմանիումը, ռենիումը և այլն, որոնք պարունակվում են այդ հանքանյութերում և կարևոր նշանակություն ունեն ժամանակակից տեխնիկայի՝ էլեկտրոնիկայի, միջոցային տեխնիկայի, ռադիոյի և հեռուստապտեսության զարգացման գործում:

Հայաստանի գունավոր մետալուրգիայի, քիմիական արդյունաբերության և շինարարական նյութերի արդյունաբերության համար կարևոր նշանակություն է ձեռք բերում արդյունաբերական միներալային հումքի դարձյալ մեկ նոր տեսակի՝ նեֆելինային սիենիտների արդյունաբերական կոմպլեքսային օգտագործումը, որոնց պաշարները ռեսպուբլիկայում գործնականորեն անըսպառ են:

Ներկայումս ավարտվում է նեֆելինային սիենիտների բազայի վրա Ախտալի լեռնա-քիմիական կոմբինատի շինարարության նախագծման աշխատանքը: Այդ կոմբինատը պետք է թողարկի ոչ միայն կավահող, պորտլանդ ցեմենտ, այլև այնպիսի արժեքավոր պողոտաներ, ինչպես՝

պղտաշ, մաքուր կայծքարահող, սպիտակ մոկր, նաև կալցիումի մետասիլիկատ, նատրիումի մետասիլիկատ, «Նրեանիտ» կրսապրոդուկտը, որոնք, բացի ժողովրդական տնտեսութեան զանազան ճյուղերում իրենց ունեցած ուղղակի կիրառութիւնից, հումք են հանդիսանում բարձրորակ ապակե առարկաների ստացման համար, ներառյալ էլեկտրալամպերի ապակին և բյուրեղապակին, հախճապակին և ճենապակին, ռետինատեխնիկական առարկաները, առարկաներ կիսահաղորդիչային արդյունաբերութեան համար և այլն: Պղնձի, մոլիբդենի, ալյումինիումի և ալլոտրոպիկ մետաղների արտադրութեան ընդլայնումը, արդյունահանվող հանքանյութերից բաղմամբով հազվագյուտ և ցրված էլեմենտների ու կիսահաղորդիչների հանումը կարևոր գործոնն է հանդիսանալ Հայաստանի էլեկտրատեխնիկական և ռադիո-տեխնիկական արդյունաբերութեան, սարքաշինութեան, ռելեների, բարդ էլեկտրոնային միջնամատիկական հաշվիչ մեքենաների և արտադրութեան կառավարման մեքենաների թողարկման հետագա զարգացման գործոնը:

Բնակարանային շինարարութեան վերաբերյալ պարտիայի նախագծած լայն ծրագիրը և արդյունաբերական ու գյուղատնտեսական շինարարութեան մեծ ծավալը հատուկ սրութեամբ դնում է զանազան շինարարական նյութերի՝ քարի, ցեմենտի, կրի, երկաթբետոնի կոնստրուկցիաների, սաւնիտարական հախճապակու և այլնի արտադրութիւնն ամեն կերպ ընդլայնելու հարցը: Եւնելով դրանից, յոթնամյա պլանում նախատեսված են այդ կարևոր խնդիրների կենսագործման միջոցառումները: Բնական շինարարական քարի՝ տուֆի թողարկումը ավելացնելու հետ միասին, նախատեսվում է քարհանքերի տուֆի ռեզերվներէց պատրաստած որմնաբլուկների արտադրու-

թեան կազմակերպումը, Արարատի ցեմենտի գործարանի ընդլայնումը, երկաթբետոնի, կրի, հախճապակու և ապակե տարալի նոր գործարանների շինարարութիւնը:

Ժողտնտխորհի սննդի և մսի-կաթի արդյունաբերութեան աշխատողների առաջ դրված է բնակչութեանը սննդի լավորակ մթերքներով ապահովելու հարցը: Դրա համար անհրաժեշտ է, որ պետք ռեսպուբլիկայի կոլտնտեսութիւնների հետ միասին, ժողտնտխորհի սովխոզները ամեն կերպ ընդլայնեն գյուղատնտեսական հումքի՝ խաղողի, պտուղների և բանջարեղների արտադրութիւնը, վարճացնեն անասնապահութիւնը, ավելացնեն մսի, կաթի և անասնապահութեան մյուս մթերքների ապրանքային թողարկումը:

Դրա հետ միասին մենք պետք է մոռալաք մի քանի տարվա ընթացքում գործող ձեռնարկութիւնների վերակառուցման և նորերի շինարարութեան միջոցով գործի դնելը նոր կարողութիւններ՝ պահածոների արդյունաբերութեան, գինեգործութեան և կոնյակի արտադրութեան մեջ, ընդլայնելը պանրի, ձկնի գործարանների և բանջարեղների ու խաղողի սկզբնական վերամշակման կետերի ցանցը, ավելացնելը հանքային ջրերի լցումը, հրուշակեղենի և ծխախոտի ապրանքների արտադրումը:

Պարտիայի կողմից ժողտնտխորհի առջև դրված խնդիրների լուծումը պարտավորեցնում է մեզ՝ բազմակողմանիորեն բարելավել տեղերում արտադրութեան կազմակերպումը, ավելի լրիվ բացահայտել և ավելի նպաստակա հարմար կերպով օգտագործել ներքին ռեզերվները, բարելավել և կատարելագործել ժողտնտխորհի ճյուղային վարչութիւնների և ապարատի աշխատանքը: